



Inatsisartuni ilaasortaq,
Pele Broberg, Partii Naleraq
Maani/

**§ 37 naapertorlugu apeqquteqaammut nr. 094-imut aalisariutit avataasiortut
ukiut 25-t sinnerlugit pisoqaassusillit kiisalu ukiui agguaqatigiissillugit amer-
lassusaat**

Inatsisartut suleriaasianni § 37-mi imm. 1 naapertorlugu Naalakkersuisunut apeqqutepu-
tit aalisariutit avataasiortut pillugit. Apeqqutip akineqarnissaq suliassaqarfinnut in-
nersuunneqarpoq.

1. **Aalisariutit avataasiortut, ukiut 25 sinnerlugit nutaanngissusillit, qu-
larnaatsumik amerlassusaat Naalakkersuisut paasissutigisinnaavaat?
Naalakkersuisut qulaajakkap takutinnissaanut peqquneqarput.**
2. **Aalisariutit avataasiortut tamarmiusut agguaqatigiissillugit nutaanngissus-
aasa ukiui Naalakkersuisut paasissutigisinnaavaat? Naalakkersuisut
qulaajakkap takutinnissaanut peqquneqarput.**

18-02-2019

Suliap normua

Allakkat nr. 10086766

Postboks 269
3900 Nuuk

Oqarasuaat (+299) 34 50 00

Fax: (+299) 34 63 55

E-mail: apnn@nanoq.gl

www.naalakkersuisut.gl

Akissut:

Aallaqqaammut § 37 nr. 070-imut apeqquteqaammut assingusumut akissutigisara in-
nersuussutiginiarpara, sinerissap qanittuani aalisariutit pisoqaassusaannut tunngasoq.

Nunatsinni aalisariutit nalunaarsorneqartut tunngavigalugit angallatip GR-normua malil-
luu avataasiortut – 75 BRT/120 BT-mik anginerusut, paasissutissiissutigineqarsin-
naavoq, angallatit nalunaarsorneqartut 45-ummata, taakkunannga angallatit 23-t ukiut
25-t sinnerlugit angallatillu aqqaneq-marluk ukiut 25-t inorlugit pisoqaassuseqarlutik.
Ukiui agguaqatigiissillugit tassaapput 29,9.

Angallatini 45-ni maannakkut 2018-imi akuersissuteqanngitsut quliupput. Isaterneqarsi-
masinnaapput allatulluunniit aalisarnermit atorunnaerneqarlutik, angallatinummi paasis-
sutissat aatsaat akuersissutinik atuutilersitsinermi nutarterneqartarmata.

Angallatit 2018-imi akuersissutillit kisiisa isigissagaanni ukiut 25-t sinnerlugit pisoqaas-
susillit 23-upput ukiullu 25-t inorlugit pisoqaassusillit aqqaneq-marluullutik. Ukiui aggu-
aqatigiissillugit tassaapput 27,8.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



Inatsisartut Suleriaasianni § 37 imm. 1 naapertorlugu Naalakkersuisunut apeqqut imattoq matu-muuna saqqummiuppara:

Naalakkersuisunut apeqqut:

- 1. Aalisariutit avataasiortut, ukiut 25 sinnerlugit nutaanngissusillit, qularnaatsumik amerlassusaat Naalakkersuisut paasissutigisinnavaat?**
Naalakkersuisut qulaajakkap takutinnissaanut peqquneqarput.

- 2. Aalisariutit avataasiortut tamarmiusut agguaqatigiisillugit nutaanngissusaasa ukiui Naalakkersuisut paasissutigisinnavaat?**
Naalakkersuisut qulaajakkap takutinnissaanut peqquneqarput.

(Inatsisartunut ilaasortaq Pele Broberg, Partii Naleraq)

Tunngavilersuut:

Aalisariutit avataasiortut ukiut 25 sinnerlugit pisqaaussusillit, agguaqatigiisillugillu ukiui, amerlassusaasa qulaarjarnissaat apeqqutiginissaat pissusissamisoorpoq.

Apeqquuit ulla suliffiit qulit (10) qaangiutsinnagit akineqarnissaat kissaatigaara.